

Uz zahtjev za izdavanje ili produženje dozvole za privremeni boravak radi spajanja porodice treba priložiti:

- fotografiju stranca ili referentni broj iz elektronskog odlagališta fotografija;
- pasoš ili ovjerenu fotokopiju pasoša stranca;
- dokaz o odgovarajućem zdravstvenom osiguranju koje pokriva barem nužne zdravstvene usluge u Republici Sloveniji, kada stranac navede da u Republici Sloveniji nije obavežno zdravstveno osiguran;
- dokaz o dovoljnim sredstvima za izdržavanje;
- uvjerenje iz kaznene evidencije matične države stranca, uvijek u slučaju zahtjeva za izdavanje prve dozvole, a u ostalim slučajevima ako organ to traži;
- dokaz o srodstvenom odnosu, ako matične činjenice nisu upisane u matični registar Republike Slovenije.

Uz zahtjev za produženje dozvole za privremeni boravak za punoljetnog člana porodice¹ treba pored dokaza iz prethodnog stava priložiti i dokaz o ispunjavanju uslova znanja slovenskog jezika na ulaznom nivou A1 prema Zajedničkom evropskom referentnom okviru za jezike, što može član porodice dokazati sa:

- dokazom o prijemu u javne važeće obrazovne ili studijske programe u Republici Sloveniji koji se izvode na slovenskom jeziku;
- dokazom o završenom školovanju na bilo kojem stepenu u Republici Sloveniji;
- dokazom o završenoj osnovnoj ili srednjoj školi sa slovenskim učnim jezikom na područjima, na kojima žive pripadnici autohtone slovenske narodne zajednice u susjednim državama; ili
- dokazom da je član porodice stariji od 60 godina; ili
- svjedodžbom o uspješno položenom ispitu iz znanja slovenskog jezika na ulaznom nivou A1 prema Zajedničkom evropskom referentnom okviru za jezike; ili
- uvjerenjem o uspješno položenom ispitu iz govorne komunikacije na slovenskom jeziku na ulaznom nivou A1 prema Zajedničkom evropskom referentnom okviru za jezike u slučaju punoljetnog člana porodice koji je nepismen, ali govorno komunicira na slovenskom jeziku.

U postupku će upravna jedinica po službenoj dužnosti pribaviti sljedeće podatke:

- iz matičnog registra Republike Slovenije o rođenju ili zaključenom braku stranca na području Republike Slovenije, odnosno o drugim matičnim činjenicama, ako su upisane u matični registar Republike Slovenije;
- o obaveznom zdravstvenom osiguranju u Republici Sloveniji, kada stranac kod dokaza o zdravstvenom osiguranju navede da je u Republici Sloveniji obavežno zdravstveno osiguran;
- iz kaznene evidencije, evidencije pravosnažnih presuda odnosno rješenja o prekršajima koju u Republici Sloveniji vodi Ministarstvo pravde;
- iz evidencija o pravosnažnim rješenjima o prekršajima koje vode prekršajni organi u Republici Sloveniji;
- o podignutim pravosnažnim optužnicama i donesenim nepravosnažnim presudama, koje vodi nadležan sud;

¹ Uslov znanja slovenskog jezika na ulaznom nivou A1 ne treba ispunjavati punoljetni član porodice stranca koji je imalac plave karte EU, dozvole za privremeni boravak radi obavljanja posla na području istraživanja, višeg i visokog obrazovanja, dozvole za boravak izdate na osnovu člana 38.b Zakona o strancima, jedinstvene dozvole za osobu premještenu unutar privrednog društva na osnovu člana 45.b i 45.d Zakona o strancima ili dozvole za privremeni boravak, ako je to u interesu Republike Slovenije, o čemu odlučuje organ nadležan za izdavanje dozvole na osnovu mišljenja nadležnog ministarstva odnosno drugog državnog organa. Uslov znanja iz slovenskog jezika na ulaznom nivou A1 ne treba ispunjavati ni punoljetni član porodice koji zbog okvara zdravlja koje onemogućavaju komunikaciju nije sposoban položiti ispit u traženom obliku. Dokaz o ispunjavanju tog uslova se, kada se navodi činjenično stanje nesposobnosti polaganja ispita, izvodi vještakom. Troškovi, nastali radi izvođenja tog dokaza, idu na teret stranca.

- iz evidencija koje vodi poreski organ o dospjelim neizmirenim poreskim obavezama i o poreskim prekršajima koji su označeni kao poreska tajna.

Informacija u vezi zaštite ličnih podataka:

- lični podaci iz obrasca se u svrhe izdavanja dozvole za boravak obrađuju sukladno članu 93. Zakona o strancima;
- organ ima pravo pridobiti i druge podatke ako je to u vašem interesu i dali ste svoju saglasnost za to ili ako je to zakonom dozvoljeno, saglasnost možete kod organa bilo kada opozvati;
- ako su za to ispunjeni propisani uslovi, imate pravo da budete upoznati sa vlastitim ličnim podacima, pravo na ograničenje obrade i pravo na prigovor obrade;
- imate pravo provjeriti tačnost vaših ličnih podataka, unesenih u dozvolu za boravak, i pravo da tražite njihovu izmjenu ili, ako su za to ispunjeni propisani uslovi, njihovo brisanje;
- upravitelj vaše podatke pohranjuje sukladno članu 115. Zakona o strancima;
- kontakt ovlaštene osobe upravitelja za zaštitu ličnih podataka kod Ministarstva unutrašnjih poslova: e-mail: dpo.mnz@gov.si;
- ako ste mišljenja da se vaši podaci obrađuju nezakonito, možete podnijeti žalbu kod Povjerenika za informacije.